



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1860

XXXV. Ludolph von Mellentin u. A. entscheiden als Schiedsrichter über Ansprüche Brunings von Segefeld und Albert Ruthers an das Kloster Marienwalde in Betreff der Heide zu Driversdorf, am 8. März ...

Nutzungsbedingungen

[urn:nbn:de:hbz:466:1-55515](https://nbn-resolving.org/urn:nbn:de:hbz:466:1-55515)

XXXV. Ludolph von Mellentin u. A. entscheiden als Schiedsrichter über Ansprüche Brunings von Zegefeld und Albert Ruthers an das Kloster Marienwalde in Betreff der Heide zu Drüersdorf, am 8. März 1361.

Vniuersis Christi fidelibus presentem paginam inspecturis Nos Ludolphus de Mellentin, Cone de Hertflo et Conradus, dictus de Cremzou, famuli, et Henningus, prefectus in Fredeberg, copimus fore notum liquide protestantes, Dissensionem fuisse inter dominum Joannem, Abbatem de Marienwalde et Conuentum suum ordinis Cisterciensis parte ex vna et strenuos famulos Bruningum de Zegeuelde et Albertum Ruther, parte ex altera, occasione cuiusdam molestationis et vexationis facte indebite per Bruningum et Albertum, predictos in metis et terminis merice ville Drüersdorff, pertinentis ad proprietatem et possessionem dominorum de Marienwalde. Pro qua supradicta molestatione seu vexatione componenda et terminanda, pre-narratus venerabilis pater et dominus Joannes, Abbas de Marienwalde seu predicti Bruningus de Zegeuelde et Albertus Ruther nos humiliter exorarunt et nos ad eandem causam finiendam tanquam amicales arbitros seu arbitratores elegerunt. Nos vero attendentes, Quia non bene colitur auctor pacis, nisi tempore pacis, bonum pacis inspicientes, causam suprascriptam ad nos tanquam arbitri seu arbitratores amicales assumentes et secundum Juris exigentiam et honestorum ac discretorum virorum informationem composuimus et terminauimus In hunc modum, videlicet, Quod mete et termini merice ville Drüersdorff primo incipient versus meridiem iuxta flumen, quod effluit a stagno quod dicitur Wozick, Deinde ad locum vergunt mete, vbi vna pinus est sita et signata, in qua apes habitant, et dicitur vulgo eine Beuthe. De illa pino ad quercum, que est terra circumdata, post hec ad montem, vbi est Stipes terra circumdatus. De illo Stipite ad vibicem terra circumdatam. De illa vibice ad vibicem angularem que vulgariter dicitur Hornizbaum. De illa ad aliam signatam. De illa vibice vergunt mete trans montem ad quercum ante paludem terra circumdatam. De illa quercu ad vibicem trans paludem terra circumdatam, De illa vibice ad aliam vibicem signatam. Deinde ad pinum terra circumdatam. Deinde vergunt mete vltra sex vibices terra circumdatas et singulariter positas vna post aliam. Deinde ad aliam vibicem terra circumdatam et terminos ville Drüersdorff et ville Wosic distinguentem. De illa vibice ad monticulum ante paludem versus occidentem situatum, Et in hac ordinatione metarum et distinctionum sit omnis dissensio, controuersia et lis de sepedictis metis inter partes suprascriptas hactenus habita totaliter et eternaliter finita et omnis Impetitio postergata. Testes huius ordinationis et compositionis sunt honorabiles viri et strenui famuli Ludolfus de Wedel, morans in Hylstorff, Gottfridus de Zegefelde, Jaen Valwe et Michael Snewolff, ciuis in Fredeberg, et alii quam plures fidedigni. In cuius rei euidentis testimonium presens scriptum nostrorum sigillorum munimine duximus roborandum. Actum in metis suprascriptis et datum ibidem Anno domini M^o. CCC^o. Sexagesimo primo, feria secunda proxima post dominicam, quando domino letare decantatur.

Aus dem Marienwalder Copialbuche. Fol. 145.